

外埠寄報處  
北京○天津城內直報館  
房○漢口洋街乙鴻春大藥房  
藥房○杭州梅花碑指南報分館  
南報分館○蘇州閶門內接駕橋西垵蘇海棠  
裕興義和○甯波

本報在海上四馬路惠里發售 每張取錢五文 丁酉十月初二日 西歷十月十七號 禮拜三 第一百一十六號 寄至

頂上蘭花百花香皂新花絲紗夾邊手巾並各種西洋奇巧玲瓏玩物並新到法國花柳保險小衣零臺批發何蒙 貴紳  
 商光顧該價格外克己此佈  
 德泰昌洋廣貨號  
 寶珠邊手鐲打簧龍珠各表新到德國留聲機大小吹笛喇叭打鐘鼓  
 音洋琴皮殼打鬧鐘玻璃鐘天文鐘電氣叫人鐘機噐火油爐各式上落水  
 鐵保安燈五彩料珠頂市金山毯老虎毯賽真珠頭等百花玫瑰珠蘭香掛

營試之即知此藥之佳妙異乎尋常者也烟癮一錢吃半夏餅三分服法詳載仿單雙料館大匣一兩二錢價洋一元自給六錢價半元小匣一錢二分價一角單料每包十三文此發五元起碼格外公道遠埠信資自請認明八卦牌記自九月念八日爲始奉送三日取者每人兩包十月初一起再送三天○上洋四馬路西園烟館南面底筠里內德星堂啓

資報費洋一角附售治梅毒八寶回生丹每瓶價洋兩元先生寓四馬路胡家宅院錦里內此佈 周彬張榮全啓

名醫蒞滬

北戴河周先生精理岐黃前在蘇州活人無算茲因有事來滬同人挽留暫爾懸壺問世寓在新馬路昌壽里第一弄同人公啓

雲方昔人處樓

謝姬添香小字素雅維揚人也自言出清門不幸墮落至此或曰東人房實三流俗起見姑  
搗而鼻也得之喜曰是可造才足爲錢樹子矣添香初甚靜墨終日莊坐謝客見則却避恐弗及  
姬患之使爲歌舞亦殊無能者乃令校黠婢日導之添香知不可奈何乃進謂姬曰今而後知女  
子之逸樂未有及伎者且伎不能致金玉錦繡實腰褻者父母兄弟之恥也姬大喜曰吾兒卓識  
哉添香殊口是而腹非然斷樸爲雕卒皆姬力也而添香未能得名時有鄭生夢鹿負才氣載酒  
挾伎自豪所至輒車馬闐溢然以未遇美色爲恨忽遇添香座上添香曲眉豐頰艷麗殊人生心  
悅不言潛偵悉姓氏里巷佯醉遁去逕造趙氏添香方歸聞有人踵門曰某鄭生也請見添香添  
香因白姬姬雅知生名聞其來益喜曰我甚欲兒曹附雅士今乃天假緣也急命肅入姬引添香  
及二幼女十全寶雲者出拜生趨承末座窮究生平殊殷勤而情變入微有頃起謝已張飲矣曰  
老身姑退兒曹侑客無怠於是添香奉觴而前雙鳥織纖翹遙蹙眉若不任風生近矚之則轉面  
流光遷延却顧兩輔薄暈膩若紅酥坐定笑語稍浹問其年曰三五矣會十全進爲壽添香笑牽  
其袂曰卿每舉石頭記以難我今鄭郎博雅何不遂以難之十全笑不能對生試舉以難添香添  
香口對響應無窮者後鄭生有燕會卽召添香斟酒至則笑曰固知君必召我膏沐以俟久矣時  
座皆角伎釧擊釵飛競鼓上谷漁陽之奏添香獨低鬟歛黛神思藐然客大異之問其名告之有  
誤添爲天者則笑曰我名紅袖添香之添非國色天香之天也一座盡傾生每召添香應召良速  
已而稍遲問其故則召者雜還不服給矣添香已甚有名賈人子尤慕好之而鄭生與交最密適  
有太原大賈與生同時來召姬問添香孰當先往對曰先鄭生姬怒曰我屬所賴富人耳若鄭生  
才士也特假其名以收我利耳添香積不平間以語生生雅知姬非愛士者添香甚容容耳又聞  
曩賈人事慨然曰若是余弗復留然余知子之心矣後會當不遠也竟絕去旣而趙姬悔之三速  
生不能致或曰添香與生未嘗絕特交以形跡始以心神終矣或曰不然添香旋歸一賈人姬斬  
之得數千金當絕去時未久已罔意於鄭生矣雲水散人曰姬居處曰優鉢羅館余所命也嘗  
聞梵書青蓮花爲優鉢羅入火不燥義蓋取此今滬上女閭萬花劫坑也使非宿根慧業如優鉢  
羅其不至銷燬者幾希雖然邪氛不除芳思終滅所以許之正所以危之姬乎姬乎殆未會於余  
之意也夫



號軍代完卷一寫一篇 ○今科某省新孝廉某生當八月初八進場人多擁擠時又薄暮呼號軍為之執炊其號軍

故作強項遲遲方至生怒批其頰號軍即作白眼此曰汝不過倖青一衿便狂妄若是不才昔曾食廩餼南北兩關亦經遊覽自分區區三場十四藝易如反掌不難踴躍簪前與諸君作手無寸鐵之白戰筆鋒畧展文思泉湧當佩服我春蠶食葉聲也聞者皆以為狂言不知其懷才欲試競擲榆之曰子有王安石之囚首垢面而無李謫仙之錦心繡口奈何對曰休相譏小子曾傳日試萬言倚馬可待之衣鉢祇以有劉盤龍之癖家產盡為花骨頭傾敗且癖染烟霞饑寒交迫致失足僕隸耳衆又曰若然則當以天為紙以地為席方容得爾大文章曰不然半錠張遇墨三寸赫蹄紙奪得錦標與諸君觀也衆見其舌鋒犀利望然去惟某生深引咎請之入號享以紫霞膏飲以白米飯號軍得此一飽便又手伸足曰極承盛情願竭所長以報知已少頃題紙下生已入睡鄉及醒筆頭日上號軍已代構就首篇某生閱之思筆兩佳清華期潤實非已所能及於是重賂之三場皆情其捉刀並將考作錄示同人決為必售榜發果捷生待之如上賓奉之若師保焉噫賢才俊士每多屈節風塵安得如號軍之機遇為文章吐氣耶

長班候恭衛三點三刻 ○某候補人員初次稟到來杭一切事宜均倚靠長班某甲前日因須上某衙門擬黎明即起預備頂冠束帶前去衙參先一夜吩咐長班某甲云三點三刻你必須來喊我起來我恐熟睡你不妨大喊甲唯唯而退孰知甲因夜間飲酒過多一場酣睡直至日上三竿猶鼻鼾如雷至下午三點三刻始徐徐而醒然猶未知時已晏矣從容進內高聲喊叫老爺好起來了三點三刻了而老爺亦以隔夜吃醉至此尚未睡醒朦朧之際黑甜鄉內不知走往何處忽聞喊聲急急披衣而起初以為未曾天亮及一看日光業已下午懊惱不已不但誤了衙期而且忘了午飯華胥國裏主僕同遊此景此情誠令人聞之而發噱也

諱姓 ○四馬路一帶妓家林立連聲接棟鶯燕燕燕止粉黛三千然其中關節頗多而忌諱亦不少即如姓邱姓鄰客如人如年少者改呼為好少年老者改呼為好老初亦不解何故繼悉漂局錢賴嫖賬吊膀子統謂之鄰人邱人所以騷大姐俏娘姨輩口中遇有此等姓一律改呼亦取吉利也邱鄰二公尋花問柳聞之幸勿以改姓為怪

誤名 ○湯器蘇州人名曰夜壺他省人名曰水壺惟山西人鼻烟壺與便壺說弗清爽日前某西號主在蒼芳里某校書家擺花酒正在履舄交錯淺斟低唱之時西老忽聞鼻烟壺顧謂侍者曰拿鼻烟壺來烟字低而不清侍者誤為便壺急至牀後取之藏於袖底不敢公然取出西老性急曰拿來否快些放在桌上侍者只得遵命一時忽忙落手太重壺中便溺未傾席上均沾尿臭而高朋滿座有幾於面者有染於衣者花粉之香一變而為污穢之氣但聞西老怒罵侍者聲諸客抱怨聲娘姨大姐喧笑聲鄰居聞聲疑是火起紛紛來詢得悉情由莫不捧腹而去

本地風光 ○毘陵卯金生名茂才也通經學工詞章尤擅製燈謎其佳者不可勝收茲見其所製新式燈謎皆係上海街名及招牌等靈思巧慧花樣一新如眼前有景道不得雀題題詩在上頭打招牌一云青蓮閣又府道二字打街名一云五馬路又晶字打街名二云棋盤街三馬路又四上二字打招牌一云五層樓皆極佳妙此外又如棋盤街打俗語一云走為上着

舉人爵秩 ○浙江文風杭嘉湖甯紹為盛衢嚴金處各屬科名素屬寥寥竟有僻壤偏隅數十年中無一舉人者頗多以致舊有聯語云秀翰廩向舉閣老魚龍雞鳳菜蔬芝極言科甲之少食物之少也物以希為貴不益可信乎今科浙江解元鄭孝廉籍隸三衢為向所罕遇者也或謂該處得一解元直不啻以閭老視之余曰天下之舉人當初中之時其趾高气揚一不似閭老模樣及至連會不上大挑未成則恐變為老閭者矣

螃蟹照相 ○吳中有某甲者面闊而圓似蟹臍細細的蟹眼濃濃的蟹眉兩匹蟹箝黃的鬚子其大肚如蟹之凸殼其邁步如蟹之爬床人咸以螃蟹號之曰前來混其同鄉某乙特誠來訪約往照相甲欣然偕行走過數條馬路推讓請人甲察其地非照相館乃一酒樓也遂亦就坐飲酌以白煮蟹蟹下酒甲問照相館在何處乙漫應曰就在此間甲訝顧曰無有也乙笑曰有之即舉一蟹殼對之曰此即尊容照得在此矣大笑而散

蜘蛛織絲 ○西人向以蜘蛛織造者領之此格雖懸歷年無人領取查難處有二端一恐不能多得蜘蛛以供需用二恐得絲元謂如有人能以蜘蛛織今有法人嘉罕於此事博致有年已得此中三昧往英領事府收賞格無不聞而驚訝願知其詳聞此法能使人使蜘蛛自織其絲於木桿桿穿輪中使絲旋轉而成球蛛以絲牽愈長而吐愈力蛛性樂自為之如春蠶吐絲到死方盡而已俟其絲盡又用別蛛以代之如法而行蛛織甚速其絲之細而韌比蠶尤勝現有一區為養蛛之料此等蛛絲將必流通可用製成上品之衣法人嘉罕今在法京巴黎斯擇地建廠以蛛絲紡織矣又有人另擇一區為養蛛之料此等蛛絲將必流通養飼如何使其不相爭鬪又如何使其不畏避人嘉罕已有告白登諸西報搜羅此物咸謂工藝之人又增多生財之道一製造蛛絲一蓄養蜘蛛也錄星報